



國家清史編纂委員會·文獻叢刊

續編

清代稿鈔本

第六〇冊

國家清史編纂委員會·文獻叢刊

續編

清代稿鈔本

第六〇冊

廣東省立中山圖書館
中山大學圖書館
編

主編 桑兵
副主編 李昭醇
程煥文

廣東省出版集團
廣東人民出版社
·廣州·

第六〇冊目錄

黃炳堃先生遺稿

書啓稿	光緒丁酉（一八九七）二月初六日起十月望前一日止	三
書啓稿	丁酉年十一月廿一日起己亥年（一八九九）六月初八日止	一二四
啓事錄存		二六七
致聖省信稿	戊子（一八八八）十二月二十日到景東任起至辛卯（一八九一）由騰	三八五
越回景東是年除夕止		三八五
老迂厲言	第一本 丙戌（一八八六）十二月起丁亥（一八八七）閏四月成	五三八

黃炳堃先生遺稿

不分卷

黃炳堃 撰

稿本

書啓稿

光緒丁酉二月初六日起

復陸靜生

靜生賢弟大人足下倅來奉

惠書并拜

佳繪直幅紈扇及蟹螯鮓魚蝦醬蝦油之

賜嘉品奇珍

遠貺於千里而外

隆情肫摯可勝感謝

賢弟出山之舉自是辭尊居卑授孟氏之教鄙人更復何說惟以
賢弟之才輕於小就因憶 南山師門詠竹絲簾有句云可惜笛
材成小用不禁為

賢弟扼腕承

商之件本當如數報

命駮此間滋味純監虛聲而親故交游多以耳食將伯之呼無日

無之力絀心餘實不敢為

賢弟告謹遵

雅命電託孫君翹園代籌四十金敬致

左右聊助膏秣之需計已

答入土壤纖微知無裨於

泰山惟

賢弟涵之恃

愛勿罪此去中原懷古傷今所學必當增長但相距幾及萬里何
時重聚思之於邑泐此鳴謝并賀

大喜順啟

行旌所冀

客途珍衛以綏百祿不悉

愚兄○○○

頓首

丁酉二月初六日

致劉衡齋

衡齋仁兄大人閣下自違

塵教屢易蟾輪春水傷離暮雲增感悵何如也辰維

銀槍霜肅

玉帳風清引企

龍韜良深崔躍承

囑之件前向

軍門婉陳當邀點領隨即函達

台端計入

清聽前數日偶聞

軍門言及所事已得省中覆函據云

台下蟬聯之慶

制府慨然首肯等語足見

器重上游逾於恆泛將來騰達正未可量不禁舞蹈因之特修寸

敬敬賀

大喜并請

升安諸惟

英照不盡

愚弟。。。頓首 二月初八日

致刀朝卿

朝卿大兄大人閣下別忽兩月軫結於懷即維

家園退處頤養康娛至以為慰前辱

手教命譔

尊聞誌墓之銘。非能文者且事狀過略發揮尤難緣要期迅促

恐經函詢往返遷延致有後時之誤謹就所聞序次為之希質之

作者繩削之前在

尊署所購象牙大小二對輕重尚能記憶而索值幾許回城即已
忘之是以無由會計以致久未付價亦復不敢索取茲特
奉叩祈即日將價值
見示勿再耽延為禱泐此敬請

吟安

沛生政社

愚弟○○○頓

二月廿日

致督標中軍李柱南

柱南仁兄鄉大人閣下自違

雅範回易年華渴慕之私時形夢寐敬維

泰祉增嘉

勛祺集慶引瞻

芝采倍慙葵忱弟重守騰衝瞬已三載嘆人日事經營漸欲窺圖
內地昨經兩次稟請添營

大帥弗允而反於現有之營撤移他處危懼之情深難言狀

閣下其將何以教之所幸賤軀頑健可為

愛我者告茲有敝門生段樹廷者

印

鑣係弟

所取長案二名嗣進

院試批首其品行與所業均屬可造之資比因本年鄉試渠欲
先期赴省肄業因慮人地生涉丐弟函託友人為之照拂用是
特請

閣下推情及焉遇事拂植並祈

格外陶鎔倘其異日有所成立匪特樹廷銘感想亦
閣下之盛名也何如何如手此敬請

台安並叩

勛祺不一

嫂夫人坤福

愚弟○○○

二月廿三日

致龍陵廳楊

衡翁仁兄大人閣下近接

芳鄰牋繒䟽遯至以為歉入春兩月不識

台狀何似伏維

曼福弟奉

巡使檄飭密查駐防各營戰兵有無缺額因念營中積弊驟難挽回已成痼疾一經點驗則斷無不足之數若密行查訪則耳目寄之於人雌黃之口以愛憎為盈絀似又未足深信且運餉奉差不時出營廬山真面實難窺破惟此番飭查係出大府之意屈人不可罔上尤非自不敢模稜將事

尊處想亦奉文其右營之屯於

棠疆者究有若干名如何查點如何覆陳務乞

詳示或將稟稿

抄寄俾得取法不勝拜禱之至再者聞芒市土司將有遠臨敝境之耗果爾當令其趨詣

崇階也泐此敬請

勛安鵠候

回示不宣

又致龍陵廳

衡翁仁兄大人閣下頃拜

覆教藉悉

郡伯已將駐永左營查點稟覆昨聞

鎮軍甚憤左營已將主者稟劾伏念防營之駐守他處者自非
鄙人耳目所及不敢懸揣而現紮敵境者實不僅四五六成也
可見

二月廿九日

大府并非真知灼見但以臆度之詞故作駭人之語弟處稟覆正稟內具言全數足額其中畧見微詞另附夾單則字字切實不作一模稜語實無不在八成以上者其自

棠治移駐千崖之右營則竟多至九成殊強人意即此便是稟稿命見索故詳之陳荻老密飭家丁潛赴

尊處查得右營三哨實有防兵一百九十五名若是則在九成以上亦經稟覆不識

台下所查果符此數否芒市之件前讀

大文并承

手教當即轉札南千兩土司倘芒市土司來此自當令其趨詣